

دائرة مخصوصه

در سعادتده بابت عالی جوار بنده

محل اداره :

مشرط القلم

۱۳۲۶

اخطار :

مسلكمزه موافق آثار جديده مع المنويده
قبول اور انور

درج ايندلهين آثار اعاده اولناز

ديده، فلسفه، علوم، حقوق، ادبيات، سياست، و بالخاصه كرك سياسى و كرك اجتماعى و مدنى احوال و شئونه اهمه و در بحث ايدر و هفته ده بر نشر اراينو.

آبونه بدلى

صاحب و مؤسسى :

در سعادتده نسخه سى ۵۰ پاره در

ابوالعلا زين العابدين - ح . اشرف اديب

سنه لکى التى آيلنى

تاريخ تأسيسى

۱۰ تموز ۳۲۴

قبرله دن مقوا بورو ايله كوندريلىر سه سنوى

۲۰ غروش فضله آلنير

ممالك عثمانيه ايچون	۸۰	۴۰	غروش
روسيه	»	۳۰۵	روبله
سائر ممالك اجنبيه	»	۹	فرائق

عدد : ۷۰

۲۴ ذى الحجه ۳۲۷ پنجشنبه ۲۴ كانون اول ۳۲۵

اوچنجى جله

انغولساقسونلرده فکر حکومت ، تعلیم و تربیه

مؤلف شهر « کوستاولوبون » « بیقولوژی دوسیو سیالزم » اسمنده کی اثرینک « آنغولساقسونلرده فکر حکومت ، تعلیم و تربیه » عنوانی فصلنده موجب استفاده بر طاقم مطالعات در میان ایدیور . بونلردن بعضلرینک خلاصه نقلی شو مقاله یی وجوده کتیردی . « کوستاولوبون » انکلیزلره لاتینلرک احوالی مقایسه ایدیلرک اولورسه مؤسسات اقوامک تأثیر عرقی نتیجه سی اولدیغی ، یکدیگرینه بکیزه یین بر طاقم اسمارک غایت مابین مسـمالری تضمن ایتدیکنی ، حکمدارلق ، وجهوریت کی مختلف عنوانلره یاد اولنان حکومتلرک تحت اداره لرنده یشایان اقوامک ، ماهیه متحد و بر برینه غایت مشابه افکار اجتماعیه و مؤسسه لری اولدیغی ، اسمای یکدیگرینه مخالف اولان بوسیاسی اداره لرک ، ملل واقوامک احوال روحیه لری اوزرینه حقیقی بر تأثیر اجرا ایتدیکنی بیان ایلور .

بوکا مثال اولمق اوزره آمریقاده کی انکلیزلره ، لاتین اقوامی طرفندن تأسیس اولنان جمهوریتلری کوستریور . مؤلف دیورکه : لاتین اقوامک مؤسسات سیاسیه لری انکلیزلرک مؤسسات سیاسیه لرنده مقبیس ، اثرله غایت مشابه اولدیغی حالده ، ایکی قومک تکامللری تمامیه یکدیگرینک ضدیدر . « انغولساقسون » جمهوریت عظیمه سی اوج اعلا ی ترقیه صاعده اولدیغی حالده لاتینلر طرفندن تأسیس اولنان جمهوریتلر اراضینک فوق العاده مثبت ، محصولدار ، نفاد ناپذیر بر ثروت طبیعیه یی حائر اولمسنه رغماً درک سفلای انقراضده پویان اولمده درلر . بوجهوریتلرده صنایعدن ، تجارتدن اثر یوقدر . بونلرک هپسی آتارشی حالنده در .

سرکارده بر چوق آدملر اولدیغی حالده ایچلرنده مملکتی حسن اداره بیلرک بر قاج کشی بولمور . بو آدملرک هیچ بری مقدرات مملکتی تعدیل ، بر حسن صورته تحویل ایدمده ی . بر ملت ایچون اصل حائر اهمیت اولان جهت قبول ایتدیکی اصول اداره حکومت دکلدر . بوش بر لباس خارجیدن عبارت اولان بواصول اداره دیگر لباسلر کی اکتسا ایدن شخصک احوال روحیه سی اوزرنده حقیقی بر تأثیر اجرا ایتیز .

بر ملتک تکاملنه دائر بر فکر پیدا ایتک ایچون شخصک حکومته ، حکومتک شخصه قارشى اولان وظائفی حقنده اوملتک نه کی بر فکر پرورده ایتدیکنی کلامق لازمدر . مبنای جمعیتک جهه سینه یازیلان جمهوریت وسائر کی عنوانلرک هیچ بر فائده سی ، اهمیتی یوقدر .

انکلتزه ایله آمریقاده فکر حکومتک نه دن عبارت اولدیغی حقنده سوبیلیه جکمز سوزلر یوقاریکی افاداتمزک صحتی تأیید ایده جکدر . « آنغولساقسونلرک » اوصاف و مزایای اساسیه لری تشبث شخصی ، متانت ، عزیم واعتماد نفس سوزلریله خلاصه اولنه بیلر . اعتماد نفسدن مقصد بر کیمسه یی حرکات فوسکنتاننده آخره احتیاج قیدندن وارسته قیلان کیفیت راسخه در . ایستر حکمدارلق ، ایستر جمهوریت صورتنده اداره ایدیلرک ، انغولساقسونلرک غایه آمال سیاسیه لری

بک واضعدر . یعنی انلرک غایه آمالی حکومتک وظیفه سنی حد اصغریسنه تنزیل ، وظائف اشخاصی حد اعظمیسنه ترفیعدن عبارتدر .

لاتین اقوامک غایه آمالی ایسه تمامیه بونک عکسیدر . انغول ساقسونلرک مملکتلرنده شمندوفر ، لیمان ، دارالفنون مکتب وسائر کی شیلر هپ تشبث شخصی اثریدر .

خصوصیه آمریقاده حکومت بوکی شیلرله اصلاً اشتغال ایتیز . انکلیزلرک طبیعتک اقوام سائر طرفندن حقیله اکلاشیلر مامسنه سبب انکلیزلرک کنسیدی ملتیرینه قارشى التزام کرده لری اولان مسـلک شخصیلرله اقوام سائریه قارشى اتخاذ ایلدکلری مسـلک مشترکلرینک یکدیگرندن حقیله تفریق ایدیلر مامسیدر . انکلیزلر شخصیلری اعتباریه غایت ناموسکار ، غایت وجدان پرور آدملردر . معاملات شخصیه لرینه عائد تعهدلرینه صوک درجه یه قدر رعایت ایدرلر . فقط انکلتزه رجال حکومتی انکلتزه نك منافع عمومیه سی نامنه حرکت ایده جک اولورلر بوره مسئله نك رنکی تمامیه دیکشیر ، بویه بر حال وقوعنده انلر کنسیدیلرینی هرکونه وقیوددن آزاده کوریرلر . مثلاً بوکون بر آدم انکلتزه رجال حکومتدن برینه مراجعتله : فلان یرده میلیونر بر اختیار قادین وار ، بونی اولدیروب میلیونلری درجیب ایتمکده سزک ایچون هیچ بر محذور ، هیچ بر تهلکه متصور دکلدر . دیه جک اولسه کیده جکی بر طوغری حبسخانه در . فقط اوتهدن بر سرسری چیقوبده ینه اودولت آدمه : آفریقای جنوبیده مدافعه دن عاجز کوچک بر جمهوریت وار . بن بر چته تشکیلیله اوراسنی ضبط ، اهالیسنک بر قسمی قتل ایتک ، بو صورته انکلتزه نك ثروتی تزیید ایلک نیتندیم دیسه بو تکلیفی در حال قبول ایدیلر ، کنسیدیسیده فوق العاده حسن قبوله مظهر اولور . انکلتزه حکومتی هندستانده کی کوچک حکومتلرک اکثریسی بو صورته ضبط ایتشدر . تأسیس مستملکات خصوصنده اقوام سائر طرفندن عین اصوله مراجعت ایدیلکی حالده ، بونلرک انکلیزلر قدر نائل موفقیت اوله ماملرینه سبب انکلیزلرک بویه شیلرده ده جسور ، ده ماهر اولمیرنددر .

مؤلفلرک طاتلی اویقولرینی فدا ایله وجوده کتیردکلری حقوق دول وسائر کی مؤلفات ، کهنه لشمش ؛ ده فائده لی برشیلر اشتغال ایدمیه جک درجه ده یورغون دوشمش بر طاقم منتسین علم حقوقک بوش و قتلرینی استفاده لی بر صورتده کچیرمک ایچون ترتیب ایدلمش آداب نزاکت مجموعه لرنده بشقه برشی دکلدر . محررات سیاسیه نك خاتمه سنده یازیلان حمل احترامیه ودوستانیه نه قدر اهمیت ویریلرسه ، تطبیقات اعتباریه او کی مؤلفاتده اوقدر اهمیت ویریلر . انکلیزلر اقوام سائریه انسان نظریله باقدقلرندن ، کنسیدی عرقلرینه قارشى بسلدکلری اشتراک منافع حسنی هیچ بر ملتده بولمق ممکن دکلدر . انکلیزلرک بو ، بوکی حسیاتی ، روح ملیری نتیجه سی اولان اتحاد فکریلرنده منبشدر .

بر انکلیز دنیانک نره سنده اولورسه اولسون کنسیدیسنه انکلتزه نك تمثال ذی حیاتی نظریله باقار ؛ انکلتزه نك منافعنه خدمتی کنسیدیس ایچون اک مبرم بروظیفه صورتنده تلقی ایدر .

بزم اصول تربیه مزه صوك درجه یه قدر مغایر اولان اصول تربیه لر یله محافظه ایدر لر . کتابلرله تعلیم و تربیه اصولنه اهمیت ویرمزلر ، نظر استحقرار ایله باقار لر .

(ارتق بزم مکتبلرک حالی دوشونملی ، برصنفته هپسی کتابدن اولوق شرطیله اوتوزالتی فن تدریس اولنیور ، چوجققلرک قفا سنده تورلی تجربده سی کی هر چشیدن برپارچه بولنیور ، کتاب اوقومقدن کوزلرینه ضعف طاری ، ازبرجیلکدن دماغلرینه وقتندن اولرخاوت عارض اولیور . مکتبلر مزده عملی هیچ برشی یوق . چوجق رشیدی نه بیلیم قاچنجی سنه سنده دریکتا شرحی کی ، بر آدمی فقیه ایده بیله جک قوجه بر کتابی اوقیورده صکره طوغری درست ابدست المسنی بیلمیور . غریب ادملر . آته بینمکی ، سلاح آتمی ، حتی دکزده یوزمکی بیله کتابدن اوکره نیرز . صکره بر فیسکه طاشی آته یز ، یارم ارشون عمقده بر حوضه دوشسک بوغلیرز ، سکسان یاشنده برطاشیجی اشکینه بینسک موازنه مزی غائب ایدرز . حامل امانت کبرای نظریات اولورز . عملیاته کلنجه هیچ ! هر ایشمز بویله باقه لم نه فائده سنی کوره جکیز نصل آدمی یثشدره جکیز لحرره)

انکلیزلر طبیعتلرینه وسعت ، انکشاف ویرن شیلره پک اعتبار ایدر لر . انکلیزده برشیئی عملی اوله رق اوکر نمک نظری اوله رق اوکر نمک ترجیح اولنور . انکلیزده تحصیل ابتدائی اون بش یاشنده بیتر انکلیزلر بونی بالغاً مابلغ کافی کوریر لر . تحصیل اعدادی کاه کیجه درس لرینه دوام شرطیله چوجقک کنندی خانه سنده ، کاه کویلرده کی مکتبلرده اکال اولنور . فقط بو مکتبلر بزم لیستلره بکزه مز . بو مکتبلرده قفا ایشلرندن زیاده مارانغوزلق ، دیوار جیلق ، باغچوانلق نچتجیلک وسائر کی ال ایشلری واردر .

مستملکات ایچون آدم یثشدریمک مخصوص مکتبلرده چوجققلره حیوان یثشدریمک اصولیله زراعت انشآت وسائر کی ، خالی بریده بولنان بر آدمک یایه بیله جکی دهسا طوغریسی یایمغه مجبور اوله جنی شیلرک کافه سی اوکره دیلیر .

انکلیزلر چوجققلری مسابقه تشویق ایتمزلر ، مکافاتده ویرمزلر . بزم غبطه دیدیکمز شیئه انلر تهلیکلی ، شایان نفرین بر حس حسد نظریله باقار لر . چوجققلرک محاسده سنده محذور عظیم مطالعه ایتدکلرندن مکافات فلان کی جالب حسد اوله جق شیلرله انلری بربرینه دشمن ایتمزلر . لسانی ، تاریخ طبیعی یی ، حکمت طبیعی یی عملی بر صورتده اوکره نیرلر .

چوجققلر علی الاکثر اون بش یاشنده مکتبدن چیقار لر بر صنعته سلوک ایدر لر . ظاهر آ غایت مختصر کی کورینن یو تعلیم و تربیه انکلیزلردن مکمل عالمر یثشمه سنه مانع اولما مشدر . دارالفنون خارجنده یتیشن بو عالمر دهسا مکمل مکتبلری اولان مملکتلرده یتیشن ارباب دانشدن آشاغی دکدر لر . انکلیز ارباب فنونی ، کنندی کندیلرینه یتیشنلرده کوریلوب بزده کی ارباب فنون کی بر قالبیدن چیقان کیمسه لرده مشهود اولیان اوژیرینالیه یعنی غرابت مخصوصه لر یله

« تان » غزته سنک ترانسوال مخبری و قتیله غزته سنه کوندردیکی بر مکتوبده شو یولده اداره لسان ایتمش ایدی .

انکلیزلر ضبط ایتدکلری ، یاخود نظر حرص وطمعه باقدقلری یرلرده اول بول اقوام سائر یه اولان تفوقلرینی بر حقیقت ثابته اولوق اوزره اورته یه سورر لر . متانلری ، وحدت و اثلاقلری سایه سنده اخلاقلرینی ، کلنجه لرینی ، لسانلرینی ، غزته لرینی حتی اصول طبخلرینی بیله او مملکتلره صوقار لر . اقوام سائر یه فوق العاده نظر استحقرار ایله باقار لر ، ملل سائر مأمورلری اوفاجق بر مستملکدن طولانی انکلیزلرله رقابته قالدیشه جق اولورسه استحقرار خصوصته متبدل اولور . بو حال ترانسوالده هر کون کورلمکده در . اقوام سائرده پک نادر اوله رق تصادف ایدیلن بو « سولیدارته » انکلیزلرده ، مقاومت ممکن اوله میه جق بر قوت حصولی موجب اولمشدر . انکلیز دیپلوماسیسنک نفوذی ، قوتی بوندن ایلری کلیور . انکلیز عرقنک مسلکی مدت مدیده دنبری تعین ، تقرر ایتمش اولدیغندن انکلیز دیپلوماتلرینک مسائل اساسیه حقنده کی فکرلری یکدیگرینک عیندر . انکلیز دیپلوماتلری ملل سائر دیپلوماتلری درجه سنده حائز معلومات اولما مقله برابر ، وحدت فکرو سلوک صاحبدر لر . بونلر متحده الافکار اولدقلری جهته قولایجه بر برلرینک یرینی طوتار لر . بر انکلیز دیپلوماتی سلفنک اثرینه اقتفا ، تمامیه انک کی حرکت ایدر .

لاتینلرده امر بر عکسدر . مثلاً فرانسه مستملکاتنده والیلرله برابر اصول اداره ده دکیشر .

« بو تبدل اداره هر کسک فکری ، طرز تلقیسی بشقه اولدیغندن ایلری کلیر . حالبوکه بر آدمک باشلادیغی بر ایش اندن صکره کلن آدم طرفندن تعقیب ایدیه جک اولورسه ترقی ایده جکی طبیعیدر . صکره دن کلن ، سلفنک اداره سنی تعقیب ایتیموب کنندی طرز تلقیسنه ، فکرینه کوره اداره اموره قالدیشه جق اولورسه طبیعی سلفنک ثمره اجتهدی محو اولور . خلفی بکیدن ایشه باشلار ، بر درجه یه قدر ایلریده کوتوریر . اوده انفصال ایتدیمی ، اندن صکره کلن انک اجرا آتی ، اصول اداره سنی او نقطه ده بر اقوب تکرار کنندی اجتهدینه کوره بر مسلک تعقیبنه باشلار . بو صورتله اسلافی طرفندن چکین ، امکلر هبا اولور کیدر . چونکه هر تشبث بدایت درجه سنی کچه مز . کودوک قالیر .

لکن بوملاحظه ، مسلکلی تعین ایتمش اولان اقوامه کوردر . مسلکلی تعین ایتشمش اقوام حقنده قابل تطبیق اوله ماز . تطبیق ایدیه جک اولورسه فاسد اوزرینه بنسای مصلحت ایدلمش اولور که جائز دکدر . فقط نفسلرینه حصر شرف مرضنه مبتلا اولانلر ، بشقه لرینک محاسنی قبایح صورتنده کورمکدن ، کوسترمکدن کندیلرینی آلامازلر . بونک ایچون انلرک اجرا آتنده کی اصابتی کورسه لر بیله دائماً نقیضی التزام ایدر لر . بومرضه مبتلا اولانلر انکلیزلردن عبرت آلمی . نفسلرنده بویله برضف کوره جک اولورلرسه دفع ایتمکه ، غلبه چالغه چالیشملی .

انکلیزلر ابا و اجدادلرندن توارث ایتدکلری اوصاف و مزایای

قيمر درلر . « كبريج ، اوتس فور نه تون دارالفنونلرى كچى دارالفنونلره يالكى زادكان اولادى دوام ايدر . ليلي اجرت تدريسيه آلتى بيك فرانددر بونلره دوام ايدن طلبه نك عديده آلتى بيكى نجازز ايتز كه نسبة غايت آز ديمكدر . بومكتبلرده طلبه فوق العاده سربست بر اقله سى غيرك دلالتنه عرض احتياج قيدندن وارسته اوله رق كندى كنديلرني اداره يه آليشميلرى ايجونددر . برانكليز بونقطه يه تعليم و تربيه نك اساسى نظريه باقار . امرى ، اطاعتى تضمن ايدن اويونلر انكليزلرك نظر نده اشتراك منافع ، انقياد ، متانت درس ليردر . آنلر بوكى اويونلرى تحصيل نام عمومى آلتى كيرن بر جوق صاحبه لره ترجيح ايدرلر . « شكوده ، فكرده كوريلن بو غرابت مخصوصه انكليز عالمليزلك آثار نده مشهوددر . بونلردن بعضيلرينك آثارى تدقيق ايديله جك اولورسه ، بو غرابت بوشقه لق هر صحيفه ده كيتدينى كوسترر . حالبو كه فرانسى مؤلفلرينك قاعده پرورانه يازلمش صفوق اثرلرندن برى مطالعه ايدلدىمى اوته كيلى او نومغه حاجت قالماز چونكه هيسى بر مودلن اقتباس ايدلمشدر .

بونلرك مقصدى علم دكل امتحان ايجون طلبه حاضر لمقدر حتى بونى كتابلرك قابينه يازمقده بيله قصور ايتزلر .

الحاصلى انكليزلرك چوجقلىرى تعليم و تربيه دن مقصدلرى جدلكاه معيشته آتلق ايجون سلا حاندير مقدر عبارتدر .

(يوقسه چوجقلىرك دماغى فونوغراف قووانى كچى ، لزوملى لزومسز بر طاقم شيلره دولدوردقن صكره اليه : آل نه حالك وارسه كور ! جمله تنبيه و تخيير به سنك بر شكل رسميسدن بشقه برشى اوليان مهرلى بر كاغد ويروب مكتب قبوسندن طيشارى ايتك دكلدر .)

ايشته بواصول تربيه انكليزلرك خصائص مليه لرندن اولوب تأمين سعادت وعظمتلرينه كافى بولنان اعتماد نفس فضيلت اساسيه سنك حصولنه خادمدر . يوقايدن برى تعداد اولنان بوقاعده لر انكليز قومنك روحنى تشكيل ايدن حسياتك نتيجه سى اولديغندن او عرقه منسوب اقوامك ساكن اولدقلى مملكتلرك كافه سنده بالخاصه آمريقادى دخى موجوددر . آمريقاليلرك غايه مقاصدى انسانلرى ديپلومه آلق ايجوق دكل ، جدال حيات ايجون حاضرلق . بونك نتايجيده تشبث شخصى فكرينه وسعت ويرمك ، قوت عزمى تزييد ايتك ، هر كسى كندى كندينه دوشونمكه آليشدير مقدر .

بوفكرلره لاتين افكارى آره سنده فرق عظيم واردر .

انشاء الله بزم مكتبلر مزده ده بومكلفاتك خصوصى تأمين ايده جك اسبابه توسل اولنور .

فريد

خطبه

۸

عيد اضحى ايجون

الله اكبر (۹) الله اكبر ما طرق عاصى باب المتساب . الله اكبر

ما اشتاق الاحباب للاحباب . الله اكبر ماتيهأ للحج الركاب والركاب . الله اكبر ماتمسك بميل الهداية رشيد . الله اكبر ماسطع نور النبوة ولاح . الله اكبر ما بكي عند رؤية الحبيب حبيب وناح . الله اكبر ماصرخ بالشوق مشتاق وصاح . الله اكبر ما خلعت خلع القبول على مر يد . الله اكبر ما تجلى الله على عباده فى عرفات . الله اكبر ما خرجت من اعماق القلوب دعوات . الله اكبر ما رفعت اكف العبيد لمواهب السادات . الله اكبر ما وفق للسداد سيد . الله اكبر ما اعتزال اسلام وانتصر . الله اكبر ما ترزعزع الكفر وانكسر . الله اكبر ما شاع الحق واشهر . الله اكبر ما قرب لاهل القربان بعيد . الله اكبر والحمد لله على ما اسدى واهدى و هو الحامد المحمود . الله اكبر وهو اهل للكبرياء والمجد وعلى المجد صفائف الوجود شهود الله اكبر وهو الكبير المتعالى تعالى عن قول كل جهول وجحود .

الله اكبر جل فيما صغ وهو الفعال لما يريد . استغفره واشهد ان لا اله الا الله ذوالبسط والنعمة . واشهد ان سيدنا محمدا بعثه مولا رحمة الامة . اللهم صل وسلم على هذا النبي اداءً للواجب ووفاءً بالذمة وعلى آله وصحبه الابطال الصناديد وسلم تسليماً كثيراً .

« اما بعد يا عبدالله » سبح اسم ربك الاعلى وقل جل سلطانه وفاخى احسانه جودا على كل موجود . فى الليلة الماضية تجلى على اهل عرفات واليوم عم الانام بالسرور والسعود . هم هناك يصيحون بالعفو والغفران ونحن هنا نصيح ان يعود للدين مجده المعبود . نعم ان عود المجد للدين هو ازهر موسم و اكبر عيد . يومنا هذا يوم عيد لو ثابت فيه القلوب من الذنوب لعلام الغيوب لطان اهني واسعد . يومنا هذا يوم سعود لو وجدت الهمة وتطهرت الذمة لرأيت الامة كيف ترقى وتصدر . يومنا هذا يوم فرح وسرور والفرح كل الفرع ان نشاهد عزة الاسلام وبذلة الكفر نشهد . يومنا هذا يوم تزاور لو اتحدت فيه الكلمة لتفرق جمع الفجار وخاب كل جبار عنيد . فى يومنا هذا نلبس الملابس الجديدة وليتنا نتذكر ان ملابس التقوى مابق لها اثر . فى يومنا هذا يعانق الرجل اخاه وبين المتعاقبين قلوبان غلب عليهما سواد الذنوب والفيء . فى يومنا هذا تداس اعناق الضحايا وتذبح وهكذا يداس ويذبح كل من فرط فى الدين وما اعتبر . فى يومنا هذا تسيل دماء الذبائح وحبذا لو كانت دماء نصر لدين الله المجيد . يا اخا العقل لك ان تفرح بالعيد ولكن اياك اياك ان تنسى احوال يوم القيامة . يا مسرورا بهذا اليوم كل عام وانت بخير وما الخير الا ان تكون على استقامه . يا غيور على الدين احياك الله لكل عام وبئست حياة لا ينال الدين فيها مرامه . يا صاحب الراى السيد ليس العيد فى ليس الجديد انما العيد فى لنجاة يوم الوعيد فانق الله ان تقواه عيد لكل سعيد .

قال رسول الله « ص » من ضحى طيبة بها نفسه محتسبا لاضحيته كانت له حجاباً من النار . صدق رسول الله .

على شيخ العرب

